

Na osnovu člana 26. Zakona o obligacionim odnosima BiH ("Službeni list RBiH" br.2/92, 13/93 i 13/94), člana 90. Zakona o javnim nabavkama („Službeni glasnik BiH“, broj 39/14), člana 7. tačka b) Pravilnika o postupku direktnog sporazuma («Službeni glasnik BiH» br. 90/14) i ponude broj 223-P-1223/18 od 28.05.2018.godine, zaključuje se

UGOVOR O PRUŽANJU USLUGA TEHNIČKE I PROTIVPOŽARNE ZAŠTITE LICA I IMOVINE (USLUGE DOJAVNO-OPERATIVNOG CENTRA)

1. **JU "KANTONALNI CENTAR ZA SOCIJALNI RAD"**, ul.Gatačka br.80, 71000 Sarajevo, ID broj: 4200115210002, koju zastupa v.d. direktora Enes Šabić, dipl. pravnik (u daljem tekstu **Naručilac**)

i

2. **"DSC" d.o.o. Agencija za zaštitu ljudi i imovine Sarajevo**, ul. Ante Fijamenga 14b, 71000 Sarajevo, ID Broj: 4200144230004, PDV Broj: 200144230004, koju zastupa direktor Branka Baltić (u daljem tekstu **Izvršilac**)

I PREDMET UGOVORA:

Član 1

Predmet Ugovora je pružanje **usluga protuprovalnog i vatrodojavnog obezbjeđenja** objekta **Naručioca** uključujući ali se ne ograničavajući na sljedeće poslove:

- Uspostavljanje veze alarmnih uređaja **Naručioca** sa dežurnim operativnim centrom (D.O.C.),
- protuprovalno obezbjeđenje vršit će se u vremenu kada je alarmni sistem uključen,
- vatrodojavno obezbjeđenje vrši se 24 sata,
- obavještavanje interventnih ekipa, policije i vatrogasne brigade u slučaju aktiviranja alarma na objektu koji je povezan sa D.O.C-om,
- nadzor i obavještavanje iz D.O.C-a vršit će se svaki dan u terminu od 00:00 do 24:00 sati 365 dana u godini.
- Usluge 24-satne zaštite, praćenja signala protuprovale, vatrodojave i plinodojave i šticećenja 10 objekata (Prilog 1. Obrasca za cijenu ponude), mjesečni izvještaji o događajima po objektu (otvaranja/ zatvaranja sa imenima korisnika, alarmne situacije, nestanci električne energije itd.); usluge obavještavanja odgovorne osobe; edukacija zaposlenih o načinu korištenja sistema.

Ponuda **Izvršioca** broj: 223-P-1223/18 od 28.05.2018.godine je sastavni dio ovog Ugovora.

II OPŠTE OBAVEZE IZVRŠIOCA:

Član 2

Izvršilac se obavezuje:

- da će rad u skladu sa ovim ugovorom obavljati savjesno, odgovorno, stručno u skladu sa zakonskim propisima i pravilima,
- **Izvršilac** odgovara za štetu, koju bi napravili njegovi radnici neodgovornim radom ili radom koji bi bio u suprotnosti sa obavezama iz ovog ugovora,
- **Izvršilac** (i odgovorne osobe **Izvršioca**) vrši kontrolu nad izvođenjem obezbjeđenja.

Sve nepravilnosti **Izvršilac** je dužan otkloniti u zakonskom roku.

III SPECIFIČNO ZA USLUGE PROTUPROVALNOG OBEZBJEĐENJA:

Član 3

Izvršilac se obavezuje da će :

- imati stalnu pripremljenost za detekciju alarma, vezu sa interventnom ekipom u vremenu navedenom u članu 1. ovog ugovora,
- imati intervenciju kod aktiviranja alarma po prioritetu ispred svih ostalih djelatnosti, koje obavlja Izvršilac tako da interventna ekipa kod aktiviranja alarma obaví intervenciju u najkraćem mogućem vremenu, (član 15 Pravilnika o vrsti tehničkih naprava, sredstava i opremi kojima se obavljaju poslovi tehničke zaštite i način njihove ugradnje, Sl.list 70/09)
- pri prijemu dojave o provali Izvršilac će obavjestiti interventnu ekipu i policijsku upravu za hitnu intervenciju i sprovođenje zakonom propisanog postupka-uviđaja,
- pri prijemu dojave o požaru Izvršilac će obavjestiti interventnu ekipu i vatrogasnu brigadu sa zahtjevom za hitnu intervenciju i sprovođenje zakonom propisanog postupka-uviđaja,
- D.O.C. će najmanje jedanput mjesečno podnositi izvještaj o svim događajima, uključujući vremena uključivanja i isključivanja sistema za protekli mjesec, po datumima i redoslijedu korištenja korisničkih šifri,
- Na zahtjev policije ili ovlaštenih organa za provođenje uviđaja, D.O.C. će pružiti sve neophodne podatke i kompjuterski listing događaja koji se dogodio uz predhodni dogovor sa Naručiocom,
- intervencije obavlja interventna ekipa u zakonskom roku (član 15 Pravilnika o vrsti tehničkih naprava, sredstava i opremi kojima se obavljaju poslovi tehničke zaštite i način njihove ugradnje i projektovanja, Sl.list 70/09) od primanja alarmnog signala iz D.O.C. osim u slučaju više sile, koja je definisana Zakonom o obligacionim odnosima,

Član 4

Na osnovu pismenog naloga nadležnog organa uprave u slučajevima kada je potrebno preduzeti posebne mjere bezbjednosti, Izvršilac ima pravo isključiti tehnička sredstva iz člana 1. ovog ugovora koje je ugradila (član 34 Pravilnika o vrsti tehničkih naprava, sredstava i opremi kojima se obavljaju poslovi tehničke zaštite i način njihove ugradnje i projektovanja, Sl.list 70/09). Izvršilac je dužan o razlozima i trajanju isključenja tehničkih sredstava obavjestiti Naručioaca.

Član 5

Izvršilac je osiguran od odgovornosti za štetu koju bi njeni uposleni u obavljanju poslova tehničke zaštite mogli počinuti ugovornoj starni ili trećim licima (član 36, Zakon o agencijama i unutrašnjim službama za zaštitu ljudi i imovine, Sl. List 78/08).

IV OBAVEZE NARUČIOCA

Član 6

Naručilac se obavezuje da će redovno informirati osobe za kontakt Izvršioaca o svim operativnim informacijama kao što su: zamjena osobe za kontakt, promjena pisanih uputstava, te svake radove u i oko objekta koji se obezbjeđuje, a koji mogu utjecati na ugovoreno obezbjeđenje objekata.

Naručilac je obavezan da Izvođaču dostavi informacije koje se sastoje od:

- vrsta, namjena, veličina i izgled objekta, lokacija i okruženje, građevinske i ostale osobine objekta,

- vrsta i broj stalnih i povremenih korisnika,
- režim rada i način korištenja objekta,
- oprema i drugi predmeti i dokumenti koji će se u objektu nalaziti, te stepen rizika od njihovog oštećenja, otuđenja ili uništenja,
- podatke o napajanju električnom energijom, telefonske veze, postojanje plinskih instalacija, rasvjeta i sl.
- građevinski i slični zahvati koji mogu uticati na pravilan i pouzdan rad sistema.

Naručilac je obavezan da utvrdi vrstu i količinu opreme sistema.

Član 7

Namjerno aktiviranje alarmnih naprava nije dozvoljeno.

V OSOBE ZA KONTAKT

Član 8

Naručilac i Izvršilac ugovaraju sljedeće osobe za kontakt:

Za Izvršioca:

Dežurno – operativni – centar (D.O.C.) 033/ 713-160, 651-117,

Za Naručioca: (tabela 1.)

Enes Šabić, dipl pravnik, v.d. direktor-a, tel: 033 / 723 642, 723 640, e-mail: info@kcsr.ba

VI POSLOVNA TAJNA

Član 9

Izvršilac se obavezuje da će u vremenu trajanja ovog ugovora, cijelo vrijeme po njegovom prestanku, kao poslovnu tajnu čuvati sve tajne informacije Naručioca ili poslovne tajne kao i ostale podatke koji su Izvršiocu dostupni kod vršenja usluga i izvođenju radova, a odnose se na Naručioca i njegovo poslovanje.

VII CIJENA I NAČIN PLAĆANJA UGOVORENIH USLUGA

Član 10

Ukupna ugovorena cijena iznosi **5.880,00 KM bez PDV-a, a sa PDV-om ukupna cijena je 6.879,60 KM.**

Naručilac je obavezan da usluge iz predmeta ovog ugovora plati Izvršiocu u roku od trideset dana (30) od dana dostavljanja računa za izvršene usluge.

Član 11

U cijenu održavanja nisu uključeni popravci nastali usljed namjernog oštećenja, nestručnog rukovanja i više sile.

VIII OTKAZNI ROK, TRAJANJE UGOVORA

Član 12

Ugovor traje **12 (dvanaest) mjeseci i to od 01.06.2018. do 31.05.2019. godine**, a stupa na snagu danom obostranog potpisivanja od strane ovlaštenih lica ugovornih strana.

Otkazni rok je 30 dana. Svaka ugovorna strana mora dati otkaz u pismenom obliku. Otkazni rok počinje teći sa prvim danom slijedećeg mjeseca nakon primitka otkaza.

IX PRELAZNE ODREDBE

Član 13


Sve sporove u vezi sa ovim ugovorom Naručilac i Izvršilac će rješavati sporazumno i u duhu dobrih poslovnih odnosa.

U slučaju da Naručilac i Izvršilac sporove ne mogu riješiti na taj način, za rješavanje je nadležan sud u Sarajevu.

Član 14

Ovaj ugovor je sačinjen u 4 (četiri) jednaka primjerka od kojih svaka strana zadržava po 2 (dva) primjerka.

NARUČILAC
VD DIREKTOR-a


Enes Šabić, dipl. pravnik

Broj: 35/X-02-404-985/18
Sarajevo, 06.06.2018. godine



IZVRŠILAC
DIREKTORICA



Branka Balic



TABELA 1.

ORGANIZACIONA ŠEMA JU KANTONALNI CENTAR ZA SOCIJALNI RAD				
REDNI BROJ	ORGANIZACIONA JEDINICA	ŠEF/ICA SLUŽBE	ADRESA	BROJ TELEFONA
1	JU"Kantonalni centar za socijalni rad"	BEHKA SAKIĆ, DIPL.ECC VILADINA DERVIŠEVIĆ, DIPL. PRAVNIK	GATAČKA BR.80	723-622/629
2	Služba socijalne zaštite općina Stari grad	FATIMA ČALKIĆ, DIPL.SCR.	FRA GRGE MARTIĆA BR.4	200-348
3	Služba socijalne zaštite općina Centar	ZUMRETA KARAMUSTAFIĆ, PROF.PED.I PSIH.	ZAIMA ŠARCA BR.13	565-512
4	Služba socijalne zaštite općina Novo Sarajevo	LEJLA BEGANOVIĆ, DIPL.PRAVNIK	AZIZE ŠAČIRBEGOVIĆ BR.96	724-699
5	Služba socijalne zaštite općina Novo Sarajevo	LEJLA BEGANOVIĆ, DIPL.PRAVNIK	AZIZE ŠAČIRBEGOVIĆ BR.2	724-699
6	Služba socijalne zaštite općina Novi grad	BELMA BAŽDAR, DIPL.SCR.	GATAČKA BR.78	723-611
7	Služba socijalne zaštite općina Ilidža	ZUMRETA KARAMUSTAFIĆ, PROF.PED.I PSIH.	ABDULAHA EF. KANTAMIRIJE BR.2 B	625-715
8	Služba socijalne zaštite općina Hadžići	MELISA HASANOVIĆ PROF.PED.	HADŽELI DO BROJA 185	475-842
9	Služba socijalne zaštite općina Ilijaš	ENISA KOVAČEVIĆ, DIPL.SCR.	IVANA FRANJE JUKIĆA BR.2	428-910
10	Služba socijalne zaštite općina Vogošća	MEVLUDIN AVDIĆ, DIPL.SCR.	OMLADINSKA BR.41	424-440